



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան

«5» ապրիլի 2019թ

ՈՐՈՇՈՒՄ ԹԻՎ 6772

ՀԱՐԿ ՎՃԱՐՈՂԻ ԲԱՆԿԱՅԻՆ ՀԱՇԻՎՆԵՐՈՒՄ ԱՌԿԱ ԴՐԱՄԱԿԱՆ ՄԻՋՈՑՆԵՐԻ  
ՎՐԱ ԱՐԳԵԼԱՆՔ ԴՆԵԼՈՒ ՄԱՍԻՆ

ՀՀ ՊԵԿ ԻՎ ՀԳ քաժնի գլխավոր մասնագետներ Ս. Պետրոսյանս և Վ. Հարությունյանս

*/ՀՀ ՊԵԿ ստորաբաժանման անվանումը, պաշտոնը, անուն, ազգանունը/*

Համաձայն ՀՀ պետական եկամուտների կոմիտեի նախագահի «2» ապրիլի 2019թ. թիվ ԱՀ 6772 հանձնարարագրի և ուսումնասիրելով թիվ 5279-2 Ա վարչական վարույթի և հարկ վճարողի վերաբերյալ նյութերը

ՊԱՐԶԵՑԻՆՔ

«ՆԱՎԹՈԳԱԶ» ՍՊԸ-ի (ՀՎՀՀ՝ 00475689, հասցե՝ ԿՈՏԱՅՔ ԱՐՁՆԻ ԷՐԵԲՈՒՆԻ ԹԱՂԱՄԱՍ ԵՐԱՆ-ՍԱՆ ՄԱՅՐՈՒՂԻ ԹԻՎ 10, պետ գրանցման համարը՝ 278.110.1001978) նկատմամբ <<25>> փետրվարի 2019 թ-ին հարուցված վարչական վարույթի շրջանակներում գանձման ենթակա պարտավորությունը կազմել է 3.386.724 դրամ: Նշված հարկային պարտավորությունները գանձելու նպատակով ՀՀ ՊԵԿ իրավաբանական վարչության պետի կողմից 04.03.2019թ. կայացվել է թիվ 5279-2 Ա որոշումը՝ 3.386.724 դրամ գանձելու մասին, որից հետո հարկ վճարողի կողմից ներկայացվել են ճշգրտված հաշվետվություններ, որի արդյունքում պարտավորությաքն չափը ավելացել է և 02.04.2019թ. թիվ ԱՀ6772 հանձնարարագիրը հրապարակվել է 6.057.015 դրամի չափով: Սակայն քանի որ թիվ 5279-2 Ա որոշումը կայացվել է 3.386.724 դրամով, ուստի սույն որոշմամբ արգելանքը ենթակա է կիրառման 3.386.724 դրամի չափով:

Ուսումնասիրելով հարկ վճարողի վերաբերյալ նյութերը, հաշվի առնելով հարկային պարտավորությունները ժամանակին չվճարելու հանգամանքը՝ իրականացված վարչական վարույթի ընթացքում ձեռք բերված ապացույցները բավարար հիմք են տալիս ենթադրելու, որ հարկ վճարողը կարող է թաքցնել, փչացնել կամ սպառել վերը նշված իրավական ակտի կատարման համար անհրաժեշտ գույքը:

Վերոգրյալի հիման վրա, ղեկավարվելով ՀՀ Հարկային օրենսգրքի 429-րդ, 430-րդ և 431-րդ հոդվածների դրույթներով՝

ՈՐՈՇԵՑԻՆՔ

1. Արգելանք դնել հարկ վճարող «ՆԱՎԹՈԳԱԶ» ՍՊԸ-ի (ՀՎՀՀ՝ 00475689) քանկային հաշիվներում առկա դրամական միջոցների վրա 3.386.724 դրամի չափով:

2. Նրան արգելել արգելադրված գույքը օգտագործել և /կամ/ տնօրինել և /կամ/ տիրապետել:

3. Որոշման պատճենը ոչ ուշ քան այն ընդունելու հաջորդ օրը, պատշաճ ձևով ուղարկել հարկ վճարողին և ՀՀ բոլոր առևտրային բանկերին:

4. Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

5. Սույն որոշումը կարող է բողոքարկվել հարկային մարմին կամ ՀՀ վարչական դատարան: Որոշման արտադատական կարգով բողոքարկումը, համաձայն ՀՀ Հարկային օրենսգրքի 432-րդ հոդվածի 5-րդ մասի, չի կասեցնում որոշման կատարումը:

Ս. ՊԵՏՐՈՍՅԱՆ

/Արգելանք դնող պաշտոնատար անձի անունը, ազգանունը/

/ստորագրությունը/

Վ. ՀԱՐՈՒԹՅՈՒՆՅԱՆ

/Արգելանք դնող պաշտոնատար անձի անունը, ազգանունը/

/ստորագրությունը/

Սույն որոշումը ստանալու պահից Դուք նախազգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Ստացա որոշման օրինակը \_\_\_\_\_